



Broj: 05-1311-9/15
Sarajevo, 14.05.2015. godine

Na osnovu člana 69. stav 2. točka (d), člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku (Zapisnik o pregledu i ocjeni ponuda broj: 05-1311-7/15 od 05.05.2015. godine), u postupku javne nabavke sportske opreme za potrebe Agencije za bankarstvo Federacije BiH, direktor Agencije je donio

ODLUKU

o poništenju postupka javne nabavke

Član 1.

Poništava se postupak javne nabavke sportske opreme za potrebe Agencije za bankarstvo Federacije BiH iz razloga što nijedna od primljenih ponuda nije prihvatljiva – član 69. stav 2. točka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Sektor zajedničkih funkcija.

Član 3.

Ova odluka objavit će se na web-stranici www.fba.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-1311/15 od 10.04.2015. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 8.000,00 KM.

Obavještenje o nabavci broj: 3010-7-1-7-3-8 poslato je na objavljivanje dana 24.04.2015. godine, a objavljeno je na Portalu javnih nabavki dana 24.04.2015. godine.

Komisija za javnu nabavku imenovana je Odlukom broj: 05-1311-1/15 od 10.04.2015. godine.

Komisija za javnu nabavku dostavila je dana Zapisnik o pregledu i ocjeni ponuda broj: 05-1311-7/15 od 05.05.2015.godine, u kojoj je ujedno dostavljena i preporuka o poništenju postupka javne nabavke, u postupku javne nabavke sportske opreme za potrebe Agencija za bankarstvo Federacije BiH.

U postupku po Zapisniku o ocjeni i pregledu ponuda utvrđeno je da je Komisija za javnu nabavku opreme blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila navedeni odgovarajući zapisnik, u kojima je utvrđeno sljedeće:

- da je ukupan broj pristiglih ponuda 3;
- da su blagovremeno zaprimljene 3 ponude;
- da nije bilo neblagovremeno zaprimljenih ponuda;
- da ponude ponuđača „SPORTNET INŽENJERING“ d.o.o. Široki Brijeg, „BENEFIT“ d.o.o. Sarajevo i „WS“ d.o.o. Sarajevo nisu prihvatljive iz sljedećih razloga:
 - "SPORTNET INŽENJERING" d.o.o. Široki Brijeg je neispravno popunio Obrazac za cijenu ponuda (Obrazac 2), u kolonu jediničnih cijena je upisao ukupan zbir pojedinačnih artikala (cijena x količina), odnosno nije stavljao jediničnu cijenu za svaki pojedinačni artikl. Shodno navedenom, ponuđačeva greška u ispunjavanju dokumentacije se odnosi na član 17. stav (5) Uputstva za pripremu modela tenderske dokumentacije ponuda („Službeni glasnik BiH, broj 90/14, u daljem tekstu: Uputstvo), gdje se navodi da jedinična cijena stavke (artikla) se ne može ispravljati;
 - "BENEFIT" d.o.o. Sarajevo je neispravno popunio Obrazac za dostavljanje ponuda (Prilog 1), te nije dostavio potrebnu dokumentaciju navedenu u Tenderskoj dokumentaciji, pismenu izjavu da su ostvarili promet u zadnje 2 (dvije) godine u dvostrukom iznosu od procijenjene vrijednosti nabavke koja je predmet ugovora, te također nisu dostavili pismenu izjavu o tome da li se na ponudu mogu primjeniti odredbe Odluke o preferencijalnom tretmanu domaćeg („Službeni glasnik BiH broj: 103/14, u daljem tekstu: Odluka), koje je traženo u skladu sa Tenderskom dokumentacijom član 4. točka (f);
 - "WS" d.o.o. Sarajevo je neispravno popunio Obrazac za dostavljanje ponuda (Prilog 1), te nije dostavio potrebnu dokumentaciju navedenu u Tenderskoj dokumentaciji, pismenu izjavu da su ostvarili promet u zadnje 2 (dvije) godine u dvostrukom iznosu od procijenjene vrijednosti nabavke koja je predmet ugovora, te također nisu dostavili pismenu izjavu o tome da li se na ponudu mogu primjeniti odredbe Odluke, koja je tražena u skladu sa Tenderskom dokumentacijom član 4. točka (f);
 - te je u toku postupka provođenja konkurentskog modela za dostavu ponuda, došlo do interne proceduralne greške prilikom slanja Tenderske dokumentacije (Prilog 3 - tehnička specifikacija).

Nadalje, u postupku ocjene provedenog postupka, direktor Agencije nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka (d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 5 (pet) dana od dana prijema ove odluke.



Dostaviti:

- Ponuđaču: **SPORTNET INŽENJERING d.o.o., Fra Didaka Buntića bb, Široki Brijeg**
- Ponuđaču: **BENEFIT d.o.o., Terezije bb, Sarajevo**
- Ponuđaču: **WS d.o.o., M. Kantardžića 3, Sarajevo**